



Publicaziuns dalla vischnaunca, jamna 37

Votaziuns federalas e votaziun communalas dils 24 da settember 2017

L'urna principala en casa communalas ei aviarta sco suonda: Dumengia, ils 24-09-2017, 09⁰⁰ – 11⁰⁰
La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 22 da settember 2017, allas 17⁰⁰**, tier l'administraziun communalas (tel. 081 920 36 36).

Levgiament da votar

Mintga votant/a ha la pussevkladad da dar giu sia vusch a cret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (supplicau da francar) ni directamein fierer en la scaffa da brevs dalla casa communalas.

Ils cedels da votar ston esser sil pli tard la dumengia, ils 24 da settember 2017, allas 11⁰⁰ tier l'administraziun communalas.

Aschinavon ch'ei vegn buca risguardau las instrucziuns da votar, ein ils cedels da votar nunvaleivels.

Suprastonza communalas

Annunziats da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziat suandont project:

Nr. 2017 – 2067.000

Clemens e Heidi Tomaschett-Hildbrand, Via Latis 10, 7180 Disentis/Mustér; sanaziun parziala dalla cuvrada dil tetg dalla casa nr. 778A sin parcella nr. 2252, Via Latis 10, 7180 Disentis/Mustér

Nr. 2017 – 2070.000

Karin e Dietmar Albrecht, Via Latis 2, 7180 Disentis/Mustér; nivellar il curtgin, construir in niev parcadi e scursanir la seiv dil curtgin sin parcella 578, Via Latis 2, 7180 Disentis/Mustér

Nr. 2017 – 2072.000

Ugo Deflorin-Gilli, Via Cavardiras 6, 7180 Disentis/Mustér; midar igl esch ella fatschada nord en ina finiastra, casa sin parcella 884, Via Cavardiras 6, 7180 Disentis/Mustér

Nr. 2017 – 2073.000

Cuminonza da proprietaris en condomini Disentiserhof, Via Disentiserhof 1, 7180 Disentis/Mustér; sanaziun dallas tuors da scala e sanaziun dallas entradas dallas casas C ed A sin parcella 1002, Via Disentiserhof 1, 7180 Disentis/Mustér

Encunter quellas decisiuns san ins protestar a cret enteifer 20 dis dapi la publicaziun alla suprastonza communalas.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 15 da settember 2017**, allas 20.15 en casa communalas.

Tractandas:

1. Protocol 6-2017/2020
2. Canalisaziun Via Veglia: Damonda da credit (messadi nr. 11-2017/2020)



3. Revisiun parziala dalla planisaziun locala: Elecziun complementara d'in commember ni d'ina commembra dalla cumissiun preparatoria
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Annunzias per la fiera Sogn Martin

La fiera da Sogn Martin ha liug uonn gliendisdis, ils 13 da november 2017, naven dallas 08⁰⁰ entochen allas 17⁰⁰. Annunzias per stans da fiera ein da far a scret ni per e-mail cul formular d'annunzia sut www.disentis.ch/Uffeci da baghegiar/Downloads entochen sil pli tard ils 29 da settember 2017. Annunzias suenter il suranumnu termin san buca vegnir risguardadas. Nus supplichein Vus da prender enconuschientscha ed engraziein per Vossa capientscha.

Administraziun communal Disentis/Mustér

Taxa da cumpensaziun da pumpiers 2017

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientscha e finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun. Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata. Nus fagein attents tut ils **students ed emprendists sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard gliendisdis, **ils 2 d'october 2017** all'administraziun communal, caum postal 57, 7180 Disentis/Mustér ni per e-mail (galbin@disentis.ch). Mo cun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

Administraziun communal

Zona da planisaziun

Sebasond sin art. 21 dalla lescha davart la planisaziun dil territori pil cantun Grischun (LPT) ha la suprastanza communal decidu a caschun da sia seduta dils 11 da settember 2017 da relaschar ina zona da planisaziun sur igl entir intschess communal cun la suandonta finamira; *Examinaziun da prescripziuns el rom dalla planisaziun locala concernent stabiliments independents per la producziun d'energia alternativa. (vent, sulegl eav.).*

La zona da planisaziun vala ad interim entochen ils **30 da settember 2019** (dus onns).

Enteifer la zona da planisaziun eis ei buc lubiu d'interpreter enzatgei che pudess engrevgiar ni cunterfar alla nova planisaziun. En special astgan projects da baghegiar mo vegnir lubi, sch'els cunterfan buc allas prescripziuns legalmein valeivlas sco era buc alla nova planisaziun ed allas novas prescripziuns previdas (art. 21 al. 2 LPT).

Encunter quei conclus sa vegnir recurriu enteifer 30 dis dapi la publicaziun ufficiala cun ina protesta da planisaziun alla regenza dil cantun Grischun (art. 101 LPT).

Suprastanza communal Disentis/Mustér

Rimnada da pupi

Venderdis, ils 6-10-2017

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon).



Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca durent la rimnada. Bien engraziament per Vies agid e sustegn!

Scolas Mustér, Ch. Berger

600 Jahre Bruder Klaus im Forum Kloster Disentis

Am **Freitag, 22. September 2017**, um 20.30 Uhr spricht im Peter-Kaiser-Saal die Journalistin und Buchautorin Kathrin Benz über das Thema: Der Aussteiger – Bruder Klaus für Skeptiker. Kathrin Benz gehört durch ihre Nidwaldner Mutter zu den zahlreichen Nachkommen des Niklaus von Flüe. Herzliche Einladung

Kloster Disentis, P. Urban Affentranger

Uniun da dunnas Disentis/Mustér

Fiera da resti d'affons cun stiva da caffè

Buffet da pettas e per ils affons in cantun da termagliar!

Nus prendein encunter bien, schuber ed entir resti da stad e d'unviern tochen grondezia 176, vestgadira da gravidonza, termagls, calzers, sezs d'autos e da meisa, crotschas, velos, capellinas, skis, scarsolas eav. Dunnas che drovan ina nova numera ni han damondas, san prender si contact cun Rosmarie Duff, tel. 081 936 41 14.

Dar giu resti: Venderdis, ils 22 da settember 2017 dallas 16.30–17.00 en halla Cons, Mustér

Adatg: per plascher mintga grondezia da resti separau en ina tastga! **Niev:** Dei giu per plascher vies uorden tier nies punct da rimnada avon halla Cons.

Vendita: Venderdis, ils 22 da settember 2017 dallas 19.00–21.00 e sonda, ils 23 da settember 2017 dallas 9.00–10.30 en halla Cons, Mustér. Retuorn dil resti buca vendiu e pagament (minus 20%): Sonda ils 23 da settember allas 12.30–12.45. Per uorden che maunca savein nus surpender negina responsabladad.

Kinderkleiderbörse mit Kaffeestube

Kuchenbuffet und für die Kinder gibt es eine Spielecke!

Wir nehmen gut erhaltene, saubere und ganze Sommer-sowie Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme, Ski, Schlitten usw. Frauen, die eine Nummer brauchen oder Fragen haben, können mit Rosmarie Duff, Telefon 081 936 41 14, Kontakt aufnehmen.

Annahme: Freitag, 22. September 2017, von 16.30–17 Uhr in der Turnhalle Cons, Disentis

Achtung: Bitte jede Kleidergrösse separat in eine Tasche! **Neu:** Bitte gebt eure Sachen an unserem Sammelplatz vor der Halle ab.

Verkauf: Freitag, 22. September 2017, von 19–21 Uhr und Samstag, 23. September 2017, von 9–10.30 Uhr in der Turnhalle Cons, Disentis.

Auszahlung (abzüglich 20%) und Rückgabe: Samstag, 23. September, von 12.30–12.45 Uhr. Für fehlende Sachen können wir keine Haftung übernehmen.

Nus selegrein sin vossa viseta.

*Uniun da dunnas Disentis/Mustér,
gruppa d'organisaziun fieria da resti*

Gruppa da seruschnar/termagliar

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpi-gnia. Vegni e mirei, nus selegrein sin vossa viseta.

Proxima sentupada: **mardis, ils 26 da settember 2017**



Temps: 14.30–16.00
Liug: Casa da scola Segnas, local Artgin, ella 1. alzada
Prender cun: marena e scalfins

Ulteriuras informaziuns e datums anfleis Vus sut www.uddm.ch
Cordialmein envida

Uniun da dunnas, ressort affons

Uniun da gimnastica UGM

La gimnastica per seniors e giuvens seniors entscheiva **gliendisdis, ils 25 da settember 2017** allas 20.00 el center da sport e cultura. Novizs ein cordialmein beinvegni.
Amicabels salids

La suprastonza
